



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Christi crucifixi. Ode Tricòlos Tetrastrophos. LXII.

urn:nbn:de:hbz:466:1-44973

HUMANAE SALVTIS
LVX INTER TENEBRAS.

Artibus atque armis, in te quæ mouerat hostis
Victus stultitiam sentiet ille suam.

INNOCENTIAE PRO NOCENTIB.
TRADITAE.

In tabulam Christi crucifixi.

Ode Tricolos Tetraſtrophos. LXII.

Certum recenti ex orbis origine
Firmatum & alta mente negotium,
Deliberata morte magnus
Explicat ac peragit Sacerdos.
Amiſſa vitæ munera perfido
Primi parentis crimine degener
Natura cunctis haud valebat
Artibus aut opibus referre:
Vitæ perennis lux niſi feruida
Lethi vagantis per miſerum genus
Intaret horrendas tenebras,
Et caperet premeretque victrix.
Auctor malorum tunc veterum draco,
Hami latentis faucibus additos
Peſſenſit uncus, dum paratam
Aggreditur temetator eſcam.
Ille & potentem iam malè prouidus
Prædam libenter linqueret, ac malè
Luſtatus intorſit ſuperba
Peſtora conuoluitque tractus.
Sufpenſa lignum membra doloribus,
Atque effluenti ſanguine conficit;
Noſtram ſed attentus ſalutem
Cogitat is, tacitusque curat:
Donec probante hæc pignora numine
Suffecit vnã pro populo hoſtiam,
Irasque ſedauit tremendas,
Atque poli patefecit atcem.

SACRI.

SACRIFICIUM SVMMVM.

In famis suauis fructus hæc sustinet arbor,
 Quæ vitæ possunt commoda certa dare.

SACERDOTI MAX. PRO POP-
 LITANTI S.

In tabulam Christi de cruce depositi.

Ode Tricolos Tetraſtrophos. LXIII.

Q Valem reuulsis frondibus esculum,
 Quam sæua ventis bruma niualibus:
 Orbauit umbroso nitore,
 Terra parens doluit videndo:
 Quam post remissis frigoribus breuis:
 Horæ recepto robore viuadam,
 Ramosque crescentem priores
 Sperat auens bene prodituram;
 Namque illa firmis indita stirpibus,
 Vires tenaci cespite protulit,
 Qua viua subiecti caloris
 Vis penetrat, recreatque terras:
 Talem dolenti pectore, & intimis
 Percussa virgo visceribus, truci
 Demissa ligno membra nati
 Conspiciens, gemit, atque fulcit.
 Quem culpa nostri sanguinis & nefas
 Omni carentem crimine presserat,
 Floremque delectum parenti
 Contuderat furiata turba:
 Ast efficaci numine compotem
 Vitæ valentem munera mortuis
 Præbere membris, & remotam
 Corporibus reuocare lucem,
 Tantisper almus dum veniat dies,
 Et cedat atris nubibus oblita
 Nox illa, defunctum labore
 Certa fide genitrix manebat.